

城電申請固網有把握



芝芝重出江湖，收電話收到手軟，有姐妹問芝芝嘅巴黎兩個星期，收獲唔少啦，又執咗幾多隻 Cartier 嘢？仲係 Cartier 咩，梗係 Franck Muller 啦！當然唔少得 Prada 啦，但唔係手袋，係皮褸！

當然，姐妹最關心嘅仲係呢兩三個月佢哋衣食父母，阿 Ben 愛股時富 (1049)，係咁追問點解阿 Ben 話貴，但係呢排成交都唔少呀，每次掃上去，都係 80 萬、80 萬咁掃。

大姐呀，我點知咩，阿 Ben 呢排咁嘅意講「禱機」，只能夠領會，但芝芝就知道時富係禮拜四會宣布同寶哥哥嘅東讓合作搞全港最大嘅基金銷售網絡，如果眾兄弟姐妹手痕嘅，咪眼啲囉，千祈唔好咁博呀！

墨鏡嘅愛股中建 (138) 又大發神威，係嗰日嘅市道，


算係表現最好，佢見魔鬼城電 (1137) 搞掂咗係美國上市，而且 placing 又咁受歡迎，梗係唔執輸啦，聽請同嚟仔一齊申請嘅固網十拿九穩，今鋪仲係拆埋 HKNat 出嚟一齊上，係咁阿 Ben 同墨鏡就有排忙，佢都有時間同芝芝食晏，睇吓芝芝執番嚟嘅 Franck Muller。

嗰日芝芝話收到條料講恆鋒 (0185) 會聯禮拜三停牌，但終於冇停到。

好在芝芝唔衝動，如果唔係，禮拜二一早搶入，你話怎麼辦！但條稿仲實牙實齒話呢一兩日必定會有嘢爆，而且會拖埋附屬嘅聯網商業 (384) 落水，話馬拉佬會買咗佢，自己當然又會變身啦！變乜？連個仔聯網個名都改為「.com」跟尾，你話佢會變乜呀！個價跌咗落嚟咁水平，少少地唔怕博嘅！

本來嗰日已經想同大家華基泰 (155) 嘅料，但見古大哥揸

城市電訊股價走勢



咗成 6 球，但聽嚟料肯定多過芝芝啦，唯有收聲，點知就飛衝天，升咗 11%！

新上市嘅冠捷 (903)，襟咗幾日貨，終於狂升 12%，只係熱身，話要翹上 2 皮！

芝芝